



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Octonarius XVIII. Sade. Iustus es Domine, & rectum &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Huic tua lex anima gaudia magna parit.
Cor tenet hoc, legis discenda tanta cupido est,
Quanta sitis tenet os, potus ubi omnis abest.
Noxam condona, maculam mihi tolle pudoris,
Sicut ius, seruant qui tua iura, soles.
Nulla mihi impietas, nullumq; scelus dominetur,
Ne vager à recta, deuius erro, via.
Fac, mihi ne noceant fraudes hominumq; furores,
Et tua seruabo iussa tremenda piè.
Adspice me placito vultu, facieq; benigna:
Imbue me dictis dogmatibusq; tuis.
Excudit ex oculis lacrymas mihi turba maligna,
Qua tua contemnit sancta statuta, Deus.

Octonarius XVIII.

S A D E.

Iustus es Domine, & rectum &c.
Tua iusticia moderaris regna, Jehoua,
Iustum etenim est pactum iudiciūq; tuum.
Iusticiam custodiri & tua pacta tremenda
Precipis: est verax sermo manetq; tuus.
Totus ego exarsi zelo, commotus & ira,
Impia, quod spernit sic tua iussa, cohors.

Clarus

Clarus sermo tuus, puroq; illustrior auro:
Hinc tuus hunc seruus tam vehementer amat.
Paruulus & nihili sum, spretus ab omnibus: atqui
Territus hinc tua non desino iura sequi.
Stabit in eternum tua lex, immota manebit
Doctrina eterni, firmaq; iura, Dei.
Me crux, dura licet, premat, erumnaq; fatigent:
Non tamen eloquiis cesso fauere tuis.
Iusticia eterno, & bonitas tua, tempore perstat,
Ut vinam verbo, fac sapiamq; tuo.

Octonarius XIX.

K V P H.

Clamaui in toto corde meo, &c.

VIS animi cordisq; mei te querit & ardet,
Exaudi miserum, quò tua iussa colam.
Mēs me a te Dominū vocat, et tua numina poscit,
Me miserum serues, ut tua pacta colam.
Matutina me a praeuerto crepuscula voce:
In vero eloquio spes mihi certa tuo est.
Non me praeueniet vigilum custodia prima,
Quin tua verba pius prosequar ore meo.
Pro solita bonitate tua me respice, confer